

सारी जिंदगी कमाई ,देहरादून मा लाई
बीघा ,सेरा ,बेचीं बाची
एक प्लाट मोलाई
छोड़ी गौं कु ठाट बाट
छोड़ी गौं कु राज पाठ
मोली देहरादून प्लाट

मेरा गौं मा ठाठ बाट
मेरा गौं मा राज पाट
देहरादून मा प्लाट

जब पैणु देन ,गयी पडोसी का डेरा
खोड्या कुकुर धधि पड़ी , हाटगु खैगी मेरा

यख saida ना सगवड़ी ,लौन की नकली हरियाली
खोजणू ,साग और पात

मेरा गौं मा ठाठ बाट
मेरा गौं मा राज पाट
देहरादून मा प्लाट

यख न चैती औजी आउंदा ,
न नौबति का ढोल
यख वेडिंग मा लगदु
बिजनौरी का चौल
..बल बिजनौरी का खेल

योम कने नाचूँ ,घुंडय रांसु कने लागु
कख गए गीत ,रीति रिवाज

मेरा गौं मा ठाठ बाट
मेरा गौं मा राज पाट
देहरादून मा प्लाट